



Broj: UP1:01-50-2-3892-1/23
Sarajevo, 20.09.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu odvjetnice Ivane Grizelj Ćorluka iz Gruda za slobodu pristupa informacijama od 11. 9. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE **o slobodi pristupa informacijama**

1) Odvjetnici Ivani Grizelj Ćorluki iz Gruda odobrava se pristup informacijama po zahtjevu od 11. 9. 2023. godine.

2) Podnositeljici zahtjeva iz tačke 1) dispozitiva dostavlja se kopija tražene dokumentacije, u skladu sa ovim rješenjem.

O b r a z l o ž e n j e

Odvjetnica Ivana Grizelj Ćorluka iz Gruda obratila se 11. 9. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama, odnosno *dostava svih prijava koje su podnesene od Turističke agencije „LI-BUS“ d. o. o. Livno, bilo osobno bilo putem punomoćnika Vile Nermina ili nekog drugog punomoćnika, za razdoblje od 1. 9. 2021. godine do podnošenja ovog zahtjeva.*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012.

godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

Ministarstvo je na osnovu člana 14. stav (2) tačka b) Zakona, a u smislu člana 16. Zakona, utvrdilo da je podnositeljica zahtjeva u obavezi, ukoliko se odluči za fotokopiranje tražene dokumentacije koja se sastoji od 44 stranice, platiti troškove fotokopiranja u skladu sa Odlukom Vijeća ministara Bosne i Hercegovine o troškovima umnožavanja traženih informacija u skladu sa Zakonom o slobodi pristupa informacijama u Bosni i Hercegovini („Službeni glasnik BiH“, broj 12/01) i Zakonom. Shodno navedenim propisima, za standardnu veličinu fotokopija, prvih 20 stranica se ne naplaćuje, a za svaku narednu stranicu cijena fotokopiranja iznosi 0,50 KM po stranici, a na dostavljenom dokumentu zaštićena su imena koja se mogu tretirati kao lični podatak.

Podnositeljica zahtjeva je u obavezi da prije izvršene usluge fotokopiranja tražene dokumentacije ovom organu dostavi dokaz o izvršenoj uplati naknade za fotokopiranje tražene dokumentacije, što je dostavljeno putem e-maila 25. 9. 2023. godine.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Škuletić-Malagić

Dostavljeno:

- Odvjetnica Ivana Grizelj Čorluka, Republike Hrvatske 17b, 88340 Grude;
- spis predmeta;
- a/a.